

समे – 12:25

<><><><><><>

Kishtwar-Power Hub

केन्द्री मंत्री डॉ. जितेन्द्र सिंह होरें आखेआ ऐ जे किशतवाड़ जिला उत्तर भारत दा पॉवर हाउस बनने लेई पूरी चाल्ली तैआर ऐ। साढ़े आकाशवाणी दे जिला संवाददाता हुंदी रिपोर्ट मूजब कल किशतवाड़ च इक जनता दरबार गी संबोधत करदे होई आखेआ जे खीरी 9–10 ब'रें च गै जदूं थमां प्रधानमंत्री नरेन्द्र मोदी होरें अपना कार्यकाल संभाले दा ऐ, किशतवाड़ इस खेत्तरे च 6–7 पानी कन्नै बिजली बनाने आली परियोजनां आई गेदियां न। उनें जोर पाया जे बक्कल दूल प्रोजेक्ट जेहड़ा 1000 मेघावाट आला बड्डा प्रोजेक्ट ऐ, ओ बी 2025 तोड़ी पूरा होई जाग। एहदे इलावा 624 मेगावाट दा किरू हाईड्रो इलैक्ट्रिक प्रोजेक्ट बी 2025 तगर पूरा होई सकदा ऐ। मंत्री होरें लोकें दी समस्याएं गी बी सुनेआ ते प्रशासन गी निर्देश दित्ता जे ओह उंदे मसलें गी तौले सुलझान।

<><><><><><>

Worldwide IT Outrage

कल बड्डे पैमाने उप्पर आईटी सेवा किश घेंटे तगर बंद होने करी केई कम्प्यूटर सिस्टमें उप्पर असर पेआ, जेहदे करी ब्हाई सेवा कोला लेइयै सेहत सरबंधी सेवां रूकी गेइयां हियां, इनें रूकी दिएं सेवाएं गी हुन ठीक कीता जा'रदा ऐ। माईक्रोसाफ्ट साफ्टवेयर दी रूकावट करी पूरी दुनिया च सैकड़ां लोकें गी भुगतान करना पेआ। यूएस साईबर सेक्यूरिटी फर्म क्राउडस्ट्राइक दे बाद बपारें, बैंक सेवाएं, अस्पतालें ते ब्हाई सेवाएं उप्पर बी एहदा असर पेआ। पूरी दुनिया च 5 जहार कोला मती ब्हाई डोआरिएं रद्द कीतियां गेइयां। भारत च बी केई डोआरियां रद्द ते किश लेट होइयां। इलैक्ट्रॉनिक्स ते इन्फोरमेशन टैक्नालोजी दे मंत्री अश्विनी वैष्णव होरें कल आखेआ जे सरकार ने माईक्रोसाफ्ट कन्नै इस बेल्लै पूरा संपर्क बनाए दा ऐ। इक सोशल मीडिया पोस्ट दे राएं वैष्णव होरें आखेआ जे इंडियन कम्प्यूटर एमरजेंसी रिस्पॉंस टीम यानि (सीईआरटी-आईएम) चीफ इन्फोरमेशन सैक्योरिटी आफिसरस यानि मुख् सूचना सुरक्षा अफसर यानि सीआईएसओएं दे कन्नै इस इंटरनेट कटौती करी सरबंधत ऐ। तोआई भारत च वित्तिय ते पेमेंट प्रणानिएं च इस कटौती करी कोई खास समस्या नेई दिक्खी गई। नागरिक उड़ान मंत्री हुंदा आखना ऐ जे नागरिक डोआरियां हुन खरी चाल्ली कम्म करा'रदियां न।

<><><><><><>

JK-Amarnath Yatra

अज्ज 3471 श्रद्धालुएं दा इक होर जत्था भगवती नगर आले आधार शिविर जम्मू थमां श्री अमरनाथ जी दी गुफा च दर्शनें लेई कड़े सुरक्षा बंदोबस्तें हेठ घाटी लेई खाना होआ। एह जत्था 114एं गड्डिडएं दे काफले च बडलै सवेला निकलेआ। इंदे च 1073 श्रद्धालु बालटाल ते 2398 श्रद्धालु पहलगाम आधार शिविर थमां हिमलिंगम दे दर्शन लेई जांगन।

<><><><><><>

Centre VDGs

जम्मू खित्ते च इक होर आतंकी हमला होने करी केन्द्र सरकार च विलेज डिफेंस गार्ड यानि वीडिजी गी नमें किस्मे दे थेआर कन्ने परतियै आन्ना दी ऐ। केन्द्री मंत्री डॉ. जितेन्द्र सिंह हुंदा आखना ऐ जे प्रधानमंत्री नरेन्द्र मोदी होर रोजाना इत्थुं दे सुरक्षा हालातें दा जायजा लै'रदे न। मंत्री होरें कल किशतवाड़ दे लोक दरबार च इब्बी गलाया जे वीडिजी नै आतंकवाद गी घट्ट करने च बड़ा गै योगदान दिता ऐ जिस करी उनेंगी भविक्ख च होर मजबूत कीता जाग।

<><><><><><>

Army Chief Jammu Visit

सेना अध्यक्ष जनरल उपेन्द्र द्विवेदी होर केन्द्र शासत प्रदेश ते खास तौर पर जम्मू खित्ते च बने दे सुरक्षा हालात दा जायजा लैने लेई जम्मू पुज्जी गे न। शुक्रवार नमीं दिल्ली च कैबिनेट कमेटी ऑल सिक्योरिटी यानि सीसीएस दी बैठक होई ही, जेहदी अध्यक्षता प्रधानमंत्री नरेन्द्र मोदी होरें कीती ही। इस बैठक च इस बारे गल्लबात होई ही जे आतंकवाद गी मकाने लेई केहड़े हीलें कीते जांगन। जनरल द्विवेदी टॉप कमांडरें कन्नै इनें हालातें दा जायजा लैंगन। होरने आला पुलस अफसरें दी बी इस बैठक च हिस्सा लैने दी मेद कीती जा'रदी ऐ।

<><><><><><>

NEET-Ranchi

रांची दे राजेन्द्र इंस्टीच्यूट ऑफ मैडिकल साईंसिस दे कालेज प्रबंधन नै एमबीबीएस दे दुए ब'रें दी यात्रा सुरभि कुमारी गी नीट-यूजी एंटरेंस पेपर लीक मसले च योगदान देने करी

कालेज थमां सस्पेंड करी दित्ता ऐ। कालेज प्रबंधन नै इस मसले सरबंधी इस छात्रा दी गतिविधिएं दा जायजा लेने करी 5एं सदस्यें दी कमेटी बनाई ही। सीबीआई नै इस छात्रा गी कल होस्टल थमां गै गिरफ्तार करी लेआ ते हुन इसी त्रऊं दिनें तगर हिरासत च रखेआ जाग।

<><><><><><>

PM Twitter Followers

सोशल मीडिया प्लेटफार्म एक्स जिसी पैहले टवीटर आखेआ जंदा हा, ओहूदे सीईओ एलॉन मस्क होरें प्रधानमंत्री नरेन्द्र मोदी होरें गी दुनिया दे सब्बने शा मते फॉलो कीते जाने आले नेताएं च औने करी ममारकबाद दित्ती। खीरी हफते प्रधानमंत्री हुंदे एक्स उप्पर सौ मिलियन फॉलाअर होई गे, जेहूदे कन्नै ओहू दुनिया दे दुए नंबर उप्पर सब्बने शा मते फॉलो कीते जाने आले राजनेता बनें पैहले नंबर उप्पर अमरीका दे पूर्व राष्ट्रपति बराक ओबामा होए न।

<><><><><><>

India Post Rakhi

भारतीय डाक मैहकमे नै लोकें गी सलाह दित्ती ऐ जे ओहू अपने भ्राएं ते हिर्खिएं प्रेमिएं गी समें सिर रक्खड़ी पजाने लेई 31 जुलाई तगर रक्खड़ी भेजी देन। मैहकमे नै अंतर्राष्ट्रीय मेलिंग दिएं कठनाइएं कन्नै निबडने ते सीमा शुल्क सरबंध्याी समस्याएं गी खत्म करने लेई एह सलाह जारी कीती ऐ। मैहकमे दा आखना ऐ जे रक्खड़ी आले लफाफे जां पैकेज गी सेही चाल्ली बंद कीता जा ते कन्नै पते दा पिन कोड बी पूरा ते सेही सेही लिखेआ जा। एहूदे इलावा लोकें गी अपना मोबाइल नंबर बी लिखी रखने लेई आखेआ गेआ ऐ। मैहकमे नै इब्बी सलाह जारी कीती ऐ जे रक्खड़ी आले लफाफे जां पैकेट च कोई खराब होने आली चीज, तौले अगग फगडने आले जां डुल्लने आली कोई चीज नेई रखन तां जे तुंदी रक्खड़ी सेही ढंगै सिर तुंदे प्रियजने तोड़ी पुज्जी सकै।

<><><><><><>

Asia cup

महिलाएं दे एशिया कप टी-20 क्रिकेट च कल संजा'लै श्रीलंका दे दाम्बुला च भारत नै पाकिस्तान गी 7एं विकटें कन्ने हराई दित्ता। 109 रंजें दा पिच्छा करदे होई भारत नै एह लक्ष्य 7 विकटें ते 35 गेदें दे होंदे पैहले गै पूरा करी लेआ। पैहले बल्लेबाजी दा फैसला

करदे होई पाकिस्तान नै 19.2 ओवरें च 108 रंज बनाए हे। भारती शुरुआती बल्लेबाज शिफाली वर्मा ते स्मृति मंदाना होरें 40 ते 45 रंज बनाए। दीप्ती शर्मा होरें 20 रंज देइयै 3 विकटां हासल कीतियां ते उनेंगी प्लेयर ऑफ द मैच चुनेआ गेआ। अमीन होरें 25 रंज बनाए ते तूबा हुसैन ते फातिमा सना नै 20-20 रंज बनाए। रेणुका सिंह ते पूजा वस्त्रकार ते श्रुयंका पाटिल होरें दो-दो विकटा लैतियां, एह कांअिनेंटल क्रिकेट दा 9मां चरण हा जेहूदी मेजबानी श्रीलंका नै कीती। भारत ऐतवारें यूएई कन्ने अपना अगला मैच खेडोग।

<><><><><><>